

BESTELAKO XEDAPENAK

HEZKUNTZA, UNIBERTSITATE ETA IKERKETA SAILA

6083

AGINDUA, 2011ko azaroaren 18koa, Hezkuntza, Unibertsitate eta Ikerketako sailburuarena, 2012. urteko Euskararen Gaitasun Agiriaren (EGAre) azterketa-eredua finkatzen duena.

Euskararen Gaitasun Agiriaz 1982ko irailaren 20an emandako Aginduak (EHAA: 1982-11-6), 1. artikuluan, Hezkuntza, Unibertsitate eta Ikerketa Sailari berari egozten dio azterketaren programa eta azterketaren eredua jakinarazteko ardura.

Horren ondorioz, honako hau

XEDATU DUT:

1. artikulua.– EGAre izaera.

1.– EGAK (Euskararen Gaitasun Agiria) honako gaitasun hauek ditu ardatz: gaitasun linguistikoa, gaitasun diskurtsiboa, gaitasun funtzionala eta gaitasun soziolinguistikoa.

2.– Europako ALTE erakundearen kide osoa den aldetik, haren kalitate-esparruko estandarrak jarraitzen ditu EGAK. Horrekin batera, Europako Kontseiluaren hizkuntzen ebaluaziorako Erreferentzia Marko Bateraturako C1 mailako irizpideak kontuan hartzen ditu, atazak eraikitzeo eta ebaluatzeo orduan.

3.– Hizkuntzaren barne-osaeraz Euskaltzaindiak 2010era arte eskaini dituen arau-erabaki nagusiak kontuan hartuko ditu EGAK 2012ko azterketan.

2. artikulua.– EGA azterketak hiru fase ditu:

Sarrerakoa: atariko proba.

Bigarren fasea: proba idatzia.

Hirugarren fasea: ahozko proba.

3. artikulua.– Atariko proba.

1.– EGAre proba idatzian eta ahozkoan parte hartu ahal izateko, atariko proba gainditu behar da.

2.– Atariko proba aukera anitzeko test bat da, 85 item dituen.

3.– Atariko probak ordubeteko iraupena du.

4.– Atariko probako itemek hizkuntzaren erabilera egokia eta zuzena neurtuko dute.

5.– Erantzun okerrengatik ez da punturik kenduko.

6.– Gainditzeko langa 60 da; muga hori berdintzen edo gainditzten duten azterketari guztiak azterketaren hurrengo fasera aurkeztu ahal izango dira, inolako «numerus clausus»-ik gabe.

7.– Atariko proba gainditu dutenen kopurua aurkeztutakoen % 50era iristen ez bada, azterketari onartuen multzoa zabaldu egingo da. Era honetan: 60ko langara iristen ez direnen artetik,

hurbileneko puntuazioak ere onartuko dira, azterketa horren gainditze-ehunekoa % 50era iritsi arte. Puntuazio hori hartuko da gainditze-langatzat.

4. artikulua.– Proba idatzia.

Proba idatzia bi ataletan egiten da eta sei ariketa ditu.

Lehenengo atala:

- Elkarriketa-testua
- Irakurriaren ulermena
- Lexikoa

Bigarren atala:

- Idazlan luzea
- Idazlan laburra
- Esaldiak berridaztea

Bi atalak jarraian egiten dira. Lehenengo atala egiteko 65 minutu izango dira. Bigarreneako, 110 minutu. Guztira, proba idatziak 2 ordu eta 55 minutu iraungo du.

1.– Elkarriketa-testua.

Elkarriketa-testu batean 10 hutsune izango dira eta erantzunak aukera anitzeko moldean (a-b-c). Testuaren hariari ongien egokitzen zaizkionak asmatzea da ariketaren funtsa.

2.– Irakurriaren ulermena.

Testu batzuk eskainiko dira, azterketariak horiei buruzko 10 galderari erantzuteko. Ariketak honelakoak izan daitezke: aukera anitzekoak, testu zatiei dagozkien ideiak aukeratzea, lotura egokiak egitea.

3.– Lexikoa.

Testu labur batean txertaturik, markatutako 10 hitzen baliokide egokiak aukeratu behar dira. Hitzek testuinguruan duten esanahia kontuan harturik aukeratu behar da baliokidea.

4.– Idazlan luzea.

Bi gai eskainiko dira aukeran, dossier eran, eta azterketariak horietako bat garatu beharko dute. Azterketariak gutxienez 250 hitz idatzi behar dituzte. Idazlanaren kalifikaziorako ondoko hiru alderdi hauek hartuko dira kontuan: a) atazaren zehaztasunak betetzea; b) hizkuntza-aberastasuna eta egokitasuna; c) zuzentasuna.

5.– Idazlan laburra.

Idazki bat ondu behar da: hipotesi bat, gutun bat, informe bat, gertakari baten kronika laburra... Gutxienez 150 hitz idatzi behar dira. Bi aukera eskainiko dira, bat hartzeko.

6.– Esaldiak berridaztea.

Emandako 10 esaldiren moldapena egin behar da; hots, esaldi baliokideak sortu behar dira beste egitura batzuk erabilita, beti ere esaldi bakarra osatuz. Berridazketa bideratzeko eta gauzatzeko, elementu batzuk eskaintzen dira erreferentzia gisa.

5. artikulua.– Ahozko proba.

Bi atal ditu:

- Entzutezko ulermena.
- Mintzamena.

1.– Entzutezko Ulermena.

Grabazio zati batzuk entzun eta horiei buruzko galderak erantzun behar dira.

Grabazio zati bakoitza behin entzungo da eta horiek entzun baino lehen, azterketariak denbora tarte bat izango dute galderak eta erantzunak irakurtzeko.

Ordu erdiko ariketa izango da. 20 item izango dira gutxienez.

2.– Mintzamena.

Atal honek bi ariketa ditu: lehenengoa, gai baten Ahozko Azalpena; bigarrena, bat-bateko Elkarrietzeta saioa.

Epaimahaia bi aztertzailek osatzen dute. Azterketariak binaka sartuko dira epaimahaiaren aurrera.

a) Gai baten ahozko azalpena.

Azterketari bakoitzak gai bati buruzko informazioa jasoko du. Euskarria testu idatzia, audioa edota bideoa izan daiteke. Azterketari bakoitzak berari egokitu zaion informazioaren azalpena egin beharko du bost bat minututan.

b) Bat-bateko elkarrietzeta saioa.

Aztertzaileek gai bat eskainiko diete azterketariei, baina bakoitzari gaiaren alderdi batzuk nabarmenduta. Azterketariak elkarrietzeta arituko dira, egokitu zaien ikuspuntuaren alde egiteko. Tarteka, elkarrietzeta edo eztabaida bideratzeko, aztertzaileek parte hartu ahal izango dute, galderak eginez. Azterketariak, bien artean, hamar bat minutuz arituko dira.

6. artikulua.– Puntuazioak.

1.– Proba Idatzian eta Ahozko Proban ondoko puntuazioak eta denborak izango dira:

PUNTUAZIO TAULA					DENBORA	
Probak	Atalak	Ariketak	Puntuazioa gehienez	Gaunditzeko gutxienez	Aurreikusitako denbora	Guztira
I D A T Z I A	1	1 Elkarrietzeta testua	5	--	10 min.	65 min.
		2 Irakurriaren ulermena	10	--	40 min.	
		3 Lexikoa	5	--	10 min.	
	2	4 Idazlan luzea	10	10	40 min.	110 min.
		5 Idazlan laburra	10		30 min.	
		6 Esaldiak berridaztea	10		25 min.	
	Idatzia, guztira		50	27	175 min.	
A H O Z K O A	1	1 Entzutezko ulermena	10	--	35 min.	Azalpenak Prestaketa
	2	2 Ahozko azalpena	20	20	5 min.	
		3 Elkarrietzeta	20		5 min.	
	Ahozkoa, guztira		50	25	45 min.	120 min.

2.– Proba Idatzian, gutxieneko puntuaziorik eskatzen ez duten lau ariketetan, puntuazioek elkar konpentsatzen dute.

3.– EGA lortzeko, azterketaren hiru faseak gainditu behar dira: atariko proba, proba idatzia eta ahozko proba. Azken emaitza «Gai» edo «Ez Gai» izango da.

4.– Deialdi bateko proba baten puntuak ez dira gordeko hurrengo deialdi baterako.

7. artikulua.– Baldintzak.

EGA azterketa egin ahal izateko 17 urte edo gehiago bete behar dira 2012an.

Deialdi berean beste erakunderen batean EGArako matrikulatuta egonez gero, ezingo da honetan parte hartu.

8. artikulua.– 1.– Matrikula egitean, azterketariak onartzen du EGA probetako prozedura errespetatu behar duela eta azterketa-tokian agintari akademikoen aginduak bete behar dituela. Horrela egin ezean, EGako arduradunek eskumena dute beharrezko neurriak hartzeko (azterketaria beste gela batera aldatzeko, gelatik kanporatzeko edo azterketa baliogabetzeko). Azterketaren funtzionamendu normala oztopatzen den kasu larrietan, bere portaeraz proben aplikazio zuzena eragozten duen azterketariari EGako hurrengo deialdietarako matrikula ez onartzeko ahalmena du Hezkuntza, Unibertsitate eta Ikerketa Sailak.

2.– Aurreikusitako neurriak hartzea EGako lurraldeburuari dagokio, bertan dauden batzordekideen proposamenez, interesatuari entzun ondoren.

9. artikulua.– Erreklamazioak.

Erreklamazioa egin dezake, idatziz, edozein azterketarik EGaren azterketaren edozein fasetako kalifikazioak jakinarazi eta biharamunetik hasita. Bost eguneko epea du horretarako.

10. artikulua.– Balio-urritasunak.

Balio-urritasunen bat duten azterketariak EGaren azterketa berdintasunez egitea izan dezaten, Azterketa Batzorde Ofizialak beharrezko egokitzapenak ezarriko ditu, denboran nahiz baliabideetan, baldin eta horrela azterketaren edukia indargabetzen ez bada, edota eskatu beharreko gaitasun-maila murrizten ez delarik.

11. artikulua.– Agindu honek araupetu gabekoetan, azaroaren 26ko 30/1992 Legeari eutsiko zaio.

AZKEN XEDAPENAK

Lehenengoa.– Agindu honetako euskal eta erdal idazkien artean interpretazio-auzirik sortuko balitz, jatorrizkoa euskaraz idatzitakoa dela kontuan izanik hura hartuko da korapiloa askatzeko gidari.

Bigarrena.– Euskal Herriko Agintaritzaren Aldizkarian argitaratu ondorengo egunetik hasita jarriko da Agindu hau indarrean.

Vitoria-Gasteiz, 2011ko azaroaren 18a.

Hezkuntza, Unibertsitate eta Ikerketako sailburua,
MARÍA ISABEL CELAÁ DIÉGUEZ.